


Ova e-knjiga je preuzeta sa web stranice <https://www.knjigosaur.ba> i
besplatna je za osobnu upotrebu.



Ograničenja u upotrebi materijala

Materijali na web portalu <https://www.knjigosaur.ba> zaštićeno su autorsko pravo autora i vlasnika Portala (u daljnjem tekstu VLASNIK) ili drugih pravnih osoba.

Ova knjiga je intelektualno vlasništvo VLASNIKA te je zaštićena Zakonom o autorskim pravima.

Ukoliko želite naše materijale koristiti za edukacijske svrhe, slobodno nam se javite i rado ćemo vam izaći u susret.

Prenošenje sadržaja

Materijali sa PORTALA <https://www.knjigosaur.ba>, također ne smiju biti kopirani, izdavani, prevedeni, ili na bilo koji drugi način distribuirani ukoliko se ne navodi izvor (uključujući poveznicu prema izvornom članku ili naslovnoj stranici PORTALA).

Tatjana ANDREJEVIĆ

**ZVRČI ZVRČAK
CVRČI CVRČAK**



Knjiga je vrednija
od svih spomenika
ukrašenih slikama,
reljefom i duborezom,
jer ona gradi spomenike
u srcu onoga koji je čita.

*Zapis iz Egipta uklesan na SPOMENU KNJIZI - stećku u Pjesničkom
parku Izdavačko-štamparske kuće PLANJAX komerc Tešanj*

GLAVNI I ODGOVORNI UREDNIK
Dr. sc. Bajruzin Hajro PLANJAC, doc.

IZVRŠNA UREDNICA
Muamera PLANJAC, prof.

GRAFIČKA UREDNICA
Murisa BAŠIĆ

RECENZENTI
Perina MEIĆ
Hamza RIDŽAL
Almir ZALIHĆ

LEKTORICA
Jagoda ILIČIĆ

KOREKTURA
Centar za obrazovanje odraslih
•EDUKA BH• Tešanj - Sarajevo

CIP - Katalogizacija u publikaciji
Nacionalna i univerzitetska biblioteka
Bosne i Hercegovine, Sarajevo

Izdavanje ovog djela podržala je Fondacija za izdavaštvo FBiH

©Copyright by Izdavačko-štamarska kuća PLANJAX komerc

Tatjana ANDREJEVIĆ

**ZVRČI ZVRČAK
CVRČI CVRČAK**

Izdavačko-štamparska kuća
PLANJAX KOMERC d. o. o.
Tešanj, 2022.



ŠTA SE MORA

Morem mora
brodit' brod,
zvijezde krasit'
noćni svod.
Mjesec nebom
mora plovit',
ribar ribu
mora lovit'.
Voće mora
da nam zrije,
dijete mora
da se smije!

Pekar kifle
mora peći,
rijeka moru
mora teći.
Krava mora
travu pasti,
drvo mora
nebu rasti.
Sunce mora
da nas grije,
dijete mora
da se smijel!
I da uči
i da pjeva,
da na času
nekad zijeva.



I da brblja
kad svi ćute
i da bere
kruške žute
i da trči
i da skače,
da podere
troje hlače.
U džem mora
prstić stavit',
nestašluke
razne pravit'.
Gnjavit tatu,
gnjavit tete,
sve to mora
jedno dijete.

Ali ima nešto bitno
i od svega najvažnije,
To je da se svako dijete
na čitavom svijetu smije!





VAŽNO PITANJE

Pitam baku
kako sam
ja stig'o na svijet.
“Našla sam te
u kupusu
međ' glavica pet!”

“Kako sam se rodio?”
pitam
djeda svog.
“Na udicu
upec'o sam
ja unuka mog!”

Tetku pitam
istu stvar
dok pudlicu voda.
“Bože, kakvo pitanje!
Donijela te
roda!”

Sad sam stvarno zabrinut,
idem ravno tati.
On je najpametniji
sigurno će znati.
Srce mi se steže
dok pred tatom stojim.
Šta li će mi reći?
Užasno se bojim.



Nasmija se tata.
“Kakav kupus, trice!
Razvedri to svoje
zabrinuto lice.
Svi se oni šale,
to je samo fama”,
zagrlj me snažno,
“rodila te MAMA!”





USPAVANKA

K'o meki plašt
spušta se noć.
Spavaj mi mirno
mileno moje.
Nek' vila snova
čarobnim prahom
oboji šareno
snove tvoje.
Spavaj mi bebo,
usnulo sve je.
Na nebu roj
zvjezdica sja.
Spavaj mi bebo,
snene su oči,
u noći ovoj
čuvam te ja.
Srebrno mlijeko
s neba se lije,
kraj peći maca
blaženo spi.
Tiha je kuća
tek kuca sat,
spavaj mi čedo,
spavaj mi ti.



BEBE

Odakle dolaze bebe,
sa sjevera ili juga?
Ili ih s dalekog istoka
nama donosi duga?

Ponekad stižu u svitanje,
nose ih sunca zrake,
nježno ih u naručje svoje
prihvate presretne tate.

Nekad ih nosi noć
dok mjesec srebro lije,
taj maleni zamotuljak
beskrajnu ljubav krije.

Odakle dolaze bebe?
Iz mora, svemira, cvijeća?
Odakle dolaze bebe,
ta mala najveća sreća?

Odgovor je lako dati,
ne treba pričati bajke,
bebe ne dolaze same,
bebe rađaju MAJKE!



JAJE

Snijela koka jaje
pa se digla vika:
“Pogledajte samo
lijepo je k’o slika!”

“Isti mama svoja!”
otud patka viče.
“Nije nego tata!”
ćurka purpuriče.

Tu prepirka nastala,
paču, gaču, viču...
Na koga je jaje,
to je baš za priču.

Svo dvorište odzvanja
od te silne graje,
jer je jedna koka,
snijela jedno jaje.



GDJE ŽIVI...

U šumi živi lane,
medo, zec i lija,
maleni jež i miš
i ptica što gnijezdo svija.

U dvorištu živi janje,
koka, guska i krava,
kuću čuva cuko,
pred vratima maca spava.

U rijeci žive ribe,
plahi rak i žabe.
U moru žive delfini,
kitovi, sipe i krabe.

U pustinji žive grbave deve,
majmuni žive u džunglama,
u zraku žive ptice i bube
a ljudi žive u kućama.





MED

Medna je kap
k'o zlatni slap
niz kašiku sklznula meko.

Na pogaču toplu
u ruci dječaka
što samo na nju je ček'o.



ZAGONETKA

Bodljikavo klupko
u lišću se krije,
čik pogodi šta je,
mali čičak nije!





KAKO KAŽE

Koka kaže
ka ko ko,
krava kaže
muuuu,
prase samo grokne hrk,
hej i ja sam tu.

Koza mekne

meee,
ovca bleji
beee,

patka pače

pa pa pa,

guska gače

ga ga ga.

Maca kaže

mjau mjau,

cuko kaže

vau vau,

tamo ćurka

ćurliče,

tu sam i ja

više.

Dreku digli pravu

uglas viču svi,

šta su oni rekli,

ponovi nam ti!



ŠTA JE TO


Nacrtaću jedan krug,
a u krugu kruga dva
i u njima dvije tačke
da nam pogled ljepše sja.

Ispod stavi par linija,
po dvije na svaku stranu.

Dodaj mali polumjesec,
lice ovo nema manu.

Na vrh kruga dva trokuta,
ispod kruga krug još veći,
samo repić dodaj na dnu
šta je to dal' možeš reći?





JEŽ

Mali, crni jež
u klupko se svio.
Zašto se on skrio?
Uplašen je bio.
Šušnulo je nešto
ispod starog debla,
da provjeri šta,
baš mu se i ne da.
Tako će i ostati
dok mama ne dodje,
čekajući mudro
da opasnost prođe.



PUŽ

Radoznali puž
sam u šetnju krenuo,
kod ružinog grma
pogrešno je skrenuo.

Stigao u sasvim
nepoznati kraj
gdje divovi šetaju,
travom tutnji zmaj.

Kućicu je navukao
drhteći od straha.
Ispod lista sklupčanog
našao ga tata.

Kući kada stigli su
već je zora svitala,
mama ga je zagrlila
ništa nije pitala.
Skrušeno je prozborio
“Mama, tata, znam...
nikad više neću
šumom lutat' sam.“





ČUDESNI SAN

Bila jedna patka
kao šećer slatka.

Bio jedan zec
u brzini kec.

Bila jedna krava
živa, prava, zdrava.

Bio jedan pas
pjev'o na sav glas.

Bio jedan prasac
Nadoš'o k'o kvasac.

Konj je jedan bio
plesati je htio.

Koza jedna bila
modnu pistu snila.

Bila jedna mačka
svima bila tačka.

Bio jedan patak
im'o kaput kratak.

Bio, bio bio...
Takav san sam snio!



ŠTA JE TO LJUBAV

Šta je to ljubav,
ko će ga znati?
Dal' je to ono
kada se pati?
Je li to ono
kad pogled bludi,
ili je ono kada se ludi?

Pitao sam mamu,
pitao tatu,
pitao djeda,
pitao baku.
Odgovor isti
daju mi svi:
“Hajde ne gnjavi,
mali si ti!”


Kakve to veze
i sa čim ima?
I meni srce
na tren stane,
grlo se skupi,
usta zanijeme,
kad ona samo
stane pred mene.
Šta oni znaju,
nemaju pojma.
U mojoj glavi
ptica je let.



Samo se smiju:
"Ti si još mali!"
Pa šta ako
Imam tek PET!



KO KOGA VOLI



Žabacin je
žabac muž,
A pužicin
muž je puž,
bubamare
bubamarac,
komarice
drug komarac.
Rode vitke
muž je rodan
vrlo otmjen
vrlo zgodan.

Golub voli
golubicu,
Labud voli
labudicu,
šišmiš zgodnu
šišmišicu,
medvjed voli
medvjedicu.
Znam da sovac
voli sovu
al' dilemu
imam ovu:
da li ribin
muž je ribac?
Da li bibin
muž je bibac?




A sjenicin
dal' je sjenac,
a hijenin
dal' hijenac?
Il' žirafe
žirafarac
što se klima
kao starac?

Vrlo teška
to je stvar,
ti pronadi
svakom par!



KOMARAC



Zu zu zu
Zu zu zu
komarac
je opet tu.
Zu zu zu
zu zu zu
komarac
je opet tu.
Mama dođi,
mama spasi,
zujalicu
tu ugasi.
Ubod jedan,
ovdje dva,
ruka mi
šarena sva.
Mama ljuta,
tata ljut,
nabavio
čak i prut.
Trče lijevo,
trče desno,
u sobi im
posta tijesno.

Zu zu zu
Zu zu zu
čas je ovdje,
čas je tu.



Pored uha,
pored oka,
on ubada
bez svjedoka.

Zu zu zu
zu zu zu
komarac
je i sad tu.



STRAŠNA PJESMA

Mrak,
mrak,
nijedan
zrak,
da
sine,
da
sijevne,
donese
dan.

A sijenke
kruže,
sve
šire,
sve
duže,
pipcima
tjeraju
san.

I raste
strah,
leden
mu
dah,
za grudi
me
čvrsto
steže.

Al' mama je tu,
Nježno me gri,
A sijenke
bježe
bježe
bježe...



STRAŠNO STRAŠNO

Jeste čuli?
Šta? Šta? Šta?
Desilo se...
Da? Da? Da?
Jutros rano...
Gdje? Gdje? Gdje?
Baš onamo...
Ajde, de...
U guštiku,
užas! Strava!
Čudovište
zvijer troglava
napalo je...
Koga? Šta?
Želiš znati?
Da! Da! Da!
Crnog mačka
iz dvorišta
sredilo je
kao ništa.
Za rep ga
je uhvatilo,
bacilo ga
u gustiš...





Jao! Jao!
Ko to bješe?
To je
bio...
strašni...
MIŠ!!!



BRZALICA

Zvrći zvrčak

Cvrči cvrčak

Ćori ćurka

Žaba žurka

Čičak čačak

Frknu mačak

Žižak žiška

Džema kriška

Šimšir šuška

Pade kruška

Dživdžan frk

Svi u trk

Đače đevrek

Đerđef džak

Brzalica

Ta je mrak!






SLIKA

Uzeću boju žutu
sunce prosut' po putu.
Uzeću bojicu crvenu
naslikat' livadu šarenu.
Uzeću bojicu plavu
njome obojiti travu,
ljubičasto nebo biće,
to pejzaž je iz moje priče.



VOZ



Jedan crni voz
crn potpuno, skroz,
juri, žuri, hita
preko polja žita.
Bijelu paru vije
svuda proći smije.
Ne plaši ga mrak
niti hladan zrak.
Kroz smetove kosi,
putnike on nosi,
pisma i pakete,
vijesti zemljom lete.

Al' tužan je bio,
taj naš crni voz,
jer crn je on bio,
crn potpuno, skroz.

Divan san je snio
da šaren je bio.
Kao sunce žut
jurio niz put.
Crven, zelen,
malo plav,
ljubičast i blistav sav.
Tako šaren kao duga
hitao bi on duž pruga,
zviždukao, fićukao
i sve usput pozdravljaao.



PUT OKO SVIJETA

Jedna mala koka
krenula na put
kišobran joj crven
a kofer joj žut.

Krenula je na put
baš početkom ljeta,
pitali je zasto ide
“Želim vidjet’ svijeta!”

U Parizu kupila
šešir baršun-svila,
Montmartrom prošetala
presretna je bila.
Obišla je Prag,
vidjela je Rim,
da podijeli sreću
nije znala s kim.

Zamisli se koka,
dosta joj je svijeta,
kući svojoj stigla je
baš na kraju ljeta.

Svi zakokodakaše
pravo slavlje bilo,
igralo se, pjevalo,
jelo se i pilo.



Tad ustade koka
i pogleda njih
“Kokošinjac moj je
najljepši od svih!”





STRAH

Ima jedan
strašni strah
mrakom lebdi
kao prah,
u ćoškovu
on se skriva
pa se otud
nama smija.
Pušta kriku
iz ormara
pod krevetom
sijenke stvara.

Iz zasjede napada
da nad tobom zavlada.
Sve dok jednog dana
ti ne vikneš silno:
“Ja sam ovdje glavni!”
i izbaciš ga kivno
i iz ormara
i ispod kreveta,
iza naslonjača,
iz sopstvenih peta.
Tad je soba tvoja,
ti si u njoj car,
a strah taj bezvezni
prolazna je stvar.



SAN

Bio sam strašni
razbojnik-gusar
s povezom preko oka.
Brodove pljačkao,
morima plovio,
topom pucao s boka!

Pod vrelim suncem
pustinjom jahao
na arapskom konju hitrom.
Princezu bajnu
od smrti spasio
sabljom vitlao britkom.

U svemirskom brodu
na Mars odjezdio,
cijeli se svijet čudio.
A onda...
A onda...
A onda sam se probudio!






DILEMA

Imam jedan problem hitan
za mene je vrlo bitan.
Da ga riješim ne znam kako
uopšte mi nije lako.
U jako sam lošem stanju
Volim Teu, Emu, Sanju.

Kolače mi Tea nosi
čokoladne s puno šlaga
u ustima što se tope,
pa mora mi biti draga.

Ema zlatnu kosu ima,
oči plave kao nebo,
poljupce mi stalno šalje
stvarno ne znam šta ću dalje.

A o Sanji da ne pričam,
sve igrice ta rastura,
najjača je u razredu...
Ona će mi biti cura!



DRUŽINA

Juče tačno
oko pet,
kad čaj pije
čitav svijet,
začuh zvona
rezak zvon,
pred vratima
bješe slon.
Zapanjeno
gledao sam,
pljuštala je
hladna kiša,
na glavi mu
kišobrančić
a pod njime
vidjeh miša.
“Dobro veče“,
začuh miša,
“znate, evo..
pada kiša.
Izvinite
što smetamo
ali zaklon
mi trebamo.“
Ta naravno“,
rekoh ja,
“ali samo
da se zna,
u malenoj





živim kući
ne znam kako
slon će ući.“
Dunu surlom
jako slon
pa izduva
k'o balon.
Stisnuo se
k'o kravata,
tako prođe
on kroz vrata.

I kolače
nađoh neke,
skuvao sam
svima čaj,
“Izvinite“,
miš mi reče,
“sa nama je
znate ...zmaj.“

Tu ostadoh
ja bez teksta
“Ta naravno,
ima mjesta.“
ima mjesta.“

Ugura se
i zmaj tako,
napravismo
žurku lako.
Pjevali smo
svi u glas,
udarao zmaj
je bas.
Potrajalo to



do jutra
“Doviđenja...
Možda sutra...”
Nestadoše
iza ugla.
mišić, slon
i strašni zmaj.
“Navratite nekad!”
viknuh i
tu priči dođe kraj.


Tako kaže priča ova,
kad je glava puna snova
sve se može, sve je lako
vjerovati može svako.





OGLAS

Moja lijeva patika
krenula u park.
Moja desna patika
započela štrajk.
Moja lijeva patika
žutu pertlu ima,
mojoj desnoj patici
ta boja ne štima.
Svađaju se stalno
kuda hoće ići
ali na taj način
nikud neće stići.
Jedna hoće lijevo,
druga hoće desno,
mene i ne pitaju
u njima mi tijesno.
Zato oglas dajem,
vrlo mi je hitno,
da poklanjam patike.
Kome - nije bitno.



MAČIJA LJUBAV

Jednog dana
bijeli mačak
sa terase
treći sprat
ugledao
crnu mačku
tačno ispod
drugi kat.

Planu ljubav
istog trena,
gledali se
po dan cijeli,
dozivali, mjaukali
nisu pili, nisu jeli.

Trajala je ljubav silna
puna duga dana dva,
onda mačka samo frknu
i odahnu zgrada sva.

Čekao je bijeli mačak
pod zvijezdama cijelu noć
tek pred jutro shvatio je
da mu maca neće doć'.

Završi se ljubav jedna
i da stavim na to tačku,
volio je jedno ljeto
bijeli mačak
crnu mačku.



KIŠA

Kiša je pala
prašinu sprala.
Gle, pa to je cvijet!

Kiša je pala
prašinu sprala
otkrila novi svijet.

Čitav grad blista,
sva okna čista,
kao da zapjevat' želi.

U travi maslačak
k'o sunca zračak
kiši se toj veseli.



GRAD

S prvim zrakama sunca
budi se moj grad.
Proteže, zijeva, oči trlja,
star a opet mlad.

Cijeloga dana titra, treperi,
u njemu prava trka.
Auta, ljudi, tramvaji,
čitava jedna zbrka.

I tako sve do mraka
kad svjetlošću počne da zrači,
pomisli: "Konačno mir",
a već su tu noćni čistači.

Između dva i tri
sklopi on oči sneno,
al' zora već sviće plava
i ne da mu da spava.

I tako se budi grad
a da ni spavao nije.
Otvora oči okupan, čist
i opet se nama smije.





PROLJETNI VJETAR

Kad dunu proljetni vjetrovi
nebo ispune pticama.
Izvade svoje gitare
prebira nježno po žicama.

Pupoljak svaki dotaknu,
probude zumbule, lale.
Mirisnim snijegom zaspu vrtove,
pozdrave bubice male.

A onda silno zapplešu
razviju prve listove,
prospu šarene boje,
dohvate svoje kistove.

Cijelu noć vrijedno slikaju
livade, drveće, šume,
kad ujutru iz kreveta skočiš
oči ti proljeća pune.



DAN U ŠUMI

Na čistini sunčanoj
usred trave svilene
vire svuda stidljivo
male glave crvene.

Plišani šeširići
i tanane štiklice,
od srebrne paučine
balske su im haljinice.

Lahor ih dodiruje
‘o da vuče končiče,
plešu nježno cin cin cin
dozivaju zvončiče.

Tiho zuje pčelice
a bumbari daju bas,
zrikavci i ptičice
sad pjevaju svi u glas.

Ljuljaju se dukatići
kao zlato svi trepere,
svud čipkani šeširići
dokle god se pogled stere.

Treperi sva livadice
zlatnim sjajem obasjana,
plesaće se, pjevaće se,
sve do kraja ovog dana.





A kad zadnja zraka sunca
nestane i padne noć,
čitava će livadica
na počinak tada poč'.



ČASOVNIČAR

Na kraju tihe ulice
iza drvenih vrata,
čarobni svijet se stere
od hiljadu i jednog sata.


Tik tak tik tak tik tak
vazduh je mek k'o vata,
nasmješšen sijedi oblačak
izviruje iza sata.

Pogrbila su se leđa
i drhte mu ruke stare,
al' on je uvijek tu
za satove što se kvare.

Satovi veliki, mali,
jednom dušom dišu
i priču života jednog
kucanjem svojim pišu.

Hiljadu satova kuca,
u svakom srce malo,
kod časovničara starog
k'o da je vrijeme stalo.





DIMNJAČAR

Hiljade krovova
u jednom gradu:
crvenih, zelenih, sivih,
bijelih od snijega,
sjajnih od kiše,
antena prepunih krivih.

Po svima njima
on smjelo hodi
k'o hrabri mornar
što morem brodi.
S pticama priča,
gnijezda im čuva,
on je na krovu
i vjetar kad duva.

Crno mu lice
a osmijeh bijeli,
velike četke
za dimnjak cijeli.
Susret s njim
za svakog je dar,
on je, već znate,
dimnjačar.



METEOROLOG


Na vrhu planine kućica stoji.
Ko li tu živi svako se pita.
Godine prolaze, ko ih još broji,
Tek ponekad neko uskom stazom hita.

Fijuču vjetrovi i liju kiše,
smetovi silni zametu vrata,
kućica mala toplinom diše
u dugim noćima uz kucaj sata.

Puna je čudnih sprava ona,
malo ko zna čemu služe.
Kišomjer i vodomjer,
termometar, barometar
i hipograf i barograf
i visoki anemograf.

Da li iko od vas zna
ili da vam kažem ja,
ko tu živi, ko tu radi
i podatke razne vadi.
To nije zoolog, niti geolog,
Tu živi moj drugar – meteorolog.

On voli oblake, sunce i kišu.
Hvata u mreže vjetre što brišu.
Maglom se pokriva, rosom se umiva
i tajne neba svaki dan otkriva.




Ponesi kišobran, čizme navuci,
majicu kratkih rukava obuci.
On poruke šalje svakoga sata
da ti nespreman ne izadeš na vrata.



TRAŽIM SAVJET

Savjet mi treba
šta da radim,
Previše radi mama moja.
Prvo na poslu,
onda kod kuće,
poslove silne nema im broja.



Kada je zovem
u park da idemo
ona za sutra ručak sprema.
Vikendom čisti,
zavjese pere,
za mene vremena nikada nema.

“Prekini čišćenje
na izlet krećemo,
od malo prašine
umrijeti nećemo!”
tužno me gleda
po glavi gladi
još samo nešto mora da uradi.

Mama je zvijezda
na mome nebu,
sunce što toplo meni sja.
Kako da vratim joj
osmijeh na lice?
Šta da uradim ja?



ODGOVOR

Ljubav je mamina
beskrajna, duboka.

Ti njoj si sve.

I nju duša
silno zaboli

kad mora ti reći ne.

Odgovor pravi
ne mogu dati,
jer živjet' se ipak mora,

ali kad vidiš
da mama pati
poljubi neku od njenih bora.

Obavij čvrsto
malene ruke
oko njenoga vrata,
najbolji odmor

za mamu je
Ljubav
što dajete joj
ti i tata.



NADA

U srcu mome
dječak se krije,
lik mu još ne znam
al' znam da se smije.
Šapuće mi nešto,
skrivaju ga kiše,
srešćemo se jednom
u zvijezdama piše.

U snovima mojim
srećem je stalno.
Nasmijanu, sretnu,
sve je tako stvarno.
Nestane baš onda
kad prste ćemo splesti,
jednog dana sigurno
mi ćemo se sresti.






NEMIR

Iza šuma, iza gora,
iza oblaka, iza mora,
iza Mjeseca, iza svemira
krije se tajna tvoga nemira.

Nemira strašnog,
nemira divnog,
nemira nemirnog,
nemira silnog,
što dušu dira
i tjera san
pa budan ležiš,
čekaš dan.

I ne znaš šta je
samo se treseš,
u oku svijet bi
da poneseš,
zagrneš dugu,
šešir od kiše
ruke od sunca
i još više
i još dalje
dokle te srce
tvoje šalje.

Smiješ se, plačeš, lebdiš i ploviš.
Oblake zlatne po nebu loviš.
Dani su tvoji čudesne boje,
ti već znaš ...Ljubav to je.




PRVA LJUBAV

Jednoga jutra,
možda već sutra,
vidjećeš svijet
očima drugim.
Plamene zore
svitat' će jarko,
zvijezde ćeš brojat'
u noćima dugim.

Jednoga jutra,
možda već sutra,
sve u tebi
drugačije biće.
I nećeš znati kad i kako,
odjednom si neko
sasvim novo biće.

Jednoga jutra,
možda već sutra,
oči boje kiše
s tvojim će se sresti.
Beskrajn trenetak,
bez riječi, bez zvuka,
dvije tople ruke
nježno će se splesti.
Pored modre rijeke
mirisaćeš ljubav
u zrakama sunca
u svilenoj kosi.




Ispunjen toplinom
davaćeš se svemu
toj bujici divnoj
puštat' da te nosi.

Sve je stoput jače
i sreća i tuga,
svaka sitna svađa
tako puno boli.

Ali to je tako,
to se zove ljubav.
A samo se jednom
prvi put voli.



MISLI



U mojoj glavi
misli se roje,
čudesne one
imaju boje.
Žute i plave,
tužne i sretne,
blistave, sjajne,
plavetno sjetne.
Mislim o nebu,
pticama, cvijeću,
a onda mislim,
iako neću,
na osmjeh jedan,
na ljetnu kišu,
visoke breze
kako se njišu.
Na tople ruke,
poljubac dug
pod malom strehom
što gleda na jug.
Nespretan, prvi,
ukraden krišom,
obojen dugom,
sakriven kišom.

Na stidljiv pogled,
na usne meke,
rumene obraze
i oči neke
što samo mene



gledaju, vole.
Čekaju dugo
tu, ispred škole.

U mojoj glavi
misli se roje
ljubavne one
imaju boje.



SINOVA PJESMA

“Pusti me, mama.

Ja ću sam!“

“Ne možeš ti to,

ja to znam.“

“Ma pusti, sam ću“,

uzalud priče

mama i dalje

svoje viče.

“Znam da me voliš,

al' mama, ohladi.

Ja znam kako

to se radi.

Naučila ti si

mene sve.

Pusti me sada.

Volim te.“





MAMINA PJESMA

Od prvog osmijeha,
od prvog plača,
od prvog pogleda,
ja sam znala.

Beskrajna sreća
u rukama mojim,
malena zvijezda
na dlan mi stala.

Blistala, rasla,
svaki dan više.

Kupao mene
njen je sjaj.

Pregršti smijeha,
ponekad kiše
a sada ideš,
teško je...znaj.

Gledam te kako
skakućeš sretno.


Ljubav te nosi,
život te zove.

Idi sad.

Sretno,

Zvijezdice moja.

Idi i ispuni
sve svoje snove.



A ako ikad
u tvom životu
zaduva kakav
vihor ljut,
luka te tvoja
sigurna čeka
a ti već znaš
do nje put.



Sadržaj

ŠTA SE MORA / 5
VAŽNO PITANJE / 7
USPAVANKA / 9
BEBE / 10
JAJE / 11
GDJE ŽIVI... / 12
MED / 13
ZAGONETKA / 14
KAKO KAŽE / 15
ŠTA JE TO / 16
JEŽ / 17
PUŽ / 18
ČUDESNI SAN / 19
ŠTA JE TO LJUBAV / 20
KO KOGA VOLI / 22
KOMARAC / 24
STRAŠNA PJESMA / 26
STRAŠNO STRAŠNO / 28
BRZALICA / 30
SLIKA / 31
VOZ / 32
PUT OKO SVIJETA / 33
STRAH / 35
SAN / 36
DILEMA / 37
DRUŽINA / 38
OGLAS / 41
MAČIJA LJUBAV / 42
KIŠA / 43
GRAD / 44
PROLJETNI VJETAR / 45

DAN U ŠUMI /	46
ČASOVNIČAR /	48
DIMNJAČAR /	49
METEOROLOG /	50
TRAŽIM SAVJET /	52
ODGOVOR /	53
NADA /	54
NEMIR /	55
PRVA LJUBAV /	56
MISLI /	58
SINOVA PJESMA /	60
MAMINA PJESMA /	61

PREPORUČUJEMO NAGRAĐENE KNJIGE FONDACIJE ZA IZDAVAŠTVO U IZDANJU PLANJAX KOMERCA:

Ahmed Burić - DEVET I PO • Nedžad Ibrahimović - MALA POVIJEST SMRTI I PISANJA • Milo Jukić - OD KOLOŽEGA DO SNEŽNIKA • Ivan Kordić - VIŠAK RADOSTI • Kemal Mahmutefendić - PJESME NEPOZNATOG AUTORA • Senka Marić - DO SMRTI NAREDNE • Mujo Musagić - NA KRAJU UMORNOG VIJEKA • Goran Simić - TREĆI ZUBI • Jasna Šamić - PREDJELI LUTAJUĆIH DUŠA • Emina Žuna - LINIJE ŽIVOTA

Ahmed Burić - HIPERTENZIJA • Fuad Hrustić - AHMEDOVE RUKE • Jagoda Iličić - KAKO PREŽIVJETI SMAK SVIJETA • Adnadin Jašarević - MEDUZIN POGLED • Almin Kaplan - BUKARA • Dragan Marjanović - JEGULJE U SNIJEGU • Mujo Musagić - EVO PREŠLI SMO RIJEKU • Izet Perviz - PURPURNI ABEZI • Ljiljana Pirolić - REKONSTRUKCIJA • Mile Stojić - DOĆI ĆE DRUGI

Almir Alić - GODINA PACOVA • Dženan Skelić - ŠARLOTA • Ervin Mujabašić - SMRT U SEDAM POGLAVLJA • Faiz Softić - MUTNA VODA • Jasmin Saletović - ODLOMAK ISTOIMENE PTICE • Marina Alerić Bebić - VAE SOLI • Senad Duran - VELIKA DILEMA • Safet Berbić - PLAVA KUVERTA • Ramiz Salihović - DANI SJEČANJA ŽALA I ZABORA • Mujo Musagić - LISTOPADNA PJESMA LJUBAVNA • Mijo Tokić - SIGURAN GRM • Željko Grahovac - DVA LICA JEDNINE • Lidija Pavlović Grgić - GDJE ŽIVI BAJKA? • Mirsad Bećirbašić - SLAVUJ IZ MOJE BAŠČE • Jagoda Iličić - PRIČALA NAM TETA KNJIGOLINA

Bisera Suljić-Boškailo – SLIKA OD MILION DOLARA • Emina Selimović – ZEMBILJ • Fajko Kadrić – UDOVIČKE ZEMLJE • Fuad Hrustić – MAJKA ĆE UMRIJETI SAMA • Hadžem Hajdarević – RASUTE SONETNE OBALE • Iva Beljan Kovačić – SJEMENKE • Izet Perviz – SUZE CRNOG DUDA • Jagoda Iličić – PTICA • Jasna Šamić – NOĆ JE OPET NA PRAGU POSTELJE TI • Mehmed Đedović – PUT ZNAŠ • Melida Travančić – SJENKA U SJENCI • Mirsad Bećirbašić – VATROSTALNE LEDENICE • Nada Đerek NEGDJE NA JUGU CVJETAJU ROGAČI • Sead Seković – VRABAC-SKICA UMIRANJA • Zlatko Dukić – UDBAŠ • Jasmin Mehičić - METRONOM • Žarko Milenić - NAJZAD, TAJNA JE OTKIVENA • Suvad Alagić - NISAM BANDIT, JA SAM PJESNIK •

Alma Zornić - BAŠESKIJINI MRTVI • Adisa Bašić - KOŠĆELA • Aida Nezirević - VRAĆANJA • Azir ŠABIĆ - DAH U VREMENU • Adnadin Jašarević - SRCE OD KOSTIJU • Edin Rikalo - BUKE I TIŠINE • Ervin Mujabašić - GRAFFITO • Amir Misirlić - NOĆAS NEMA MJESECA PUNOG IZNAD BOSNE • Emir Sokolović - SKELARI • Slađana Jovičić - GLUVILO • Suvad Alagić - ISIDORA I SERGEJ • Zlatko Dukić - SJEDOKOSE PRIČE • Muhamed Ibrahimović - SVAKI KRAJ JE NOVI POČETAK • Minela Moranjković - SAVRŠENO ISTEMPIRANA NESREĆA • Muharem Bazdulj - NEVIDLJIVA DRUŽBA • Milo Jukić - SVECI SU POBJEGLI SA FRESAKA • Mehmed Đedović - STAZA MRKOG MEDVJEDA • Nedžad

Ibrahimović - OBITELJSKE I DRUGE STRAŠNE PJESME • Marko Bačanović
- DVOJNIK • Sead Trhulj - KORAK PREKO GRANICE • Kemal Mahmutefendić
- EX NIHILO-IZ NIČEGA, NIKOME, NI O ČEMU • Žarko Milenić - KAD JU JE SREO
Hazim Akmadžić - SVJEDOK • Adem Deniz Garić - HODŽA U CRNOJ HRO-
NICI • Melida Travančić - REKONSTRUKCIJA STVARNOSTI • Milena Rudež
- PEJZAŽ BEZ LJUDI • Leontin Čapo Milenić - DJECA CRNIH OČIJU • Enes
Topalović - IME I DUŠA • Senad Imamović - SIMFONIJA ZA JEDAN SAN • Ivo
Kobaš - NEŠTO RAZMIŠLJAM...

Aida Hoffman - ISPOD ORAHA • Azemina Krehić - Halilović - ZRCALO OD
MJEDI • Davorka Jurčević - Čerkez - KOLATERALNI SLUČAJ • Emina Đelilović
- Kevrić - MOJ SIN I JA • Emina Selimović - JAZZ ZA FELLINIJA • Indira Kučuk-
Sorguč - PRIČE O LJUDIMA I LJUDIMA • Izet Perviz - DIVANI ĐAVOLSKOG
SREBRA • Miro Petrović - SPOMENAR • Mujo Musagić - U KVARU SU NAM
OGLEDALA • Safija Vehabović-Parganlija - KRLETKA • Šefik Husagić - VATRE
SKRIVENOG BLAGA • Vahid Duraković - ČETIRI PAROLE I DVA LJUBAVNA
STIHA • Željko Ivanković - JERUZALEMSKI MURALI • Zlatko Topčić - 28.6.1914.
Enes Topalović - PRECI I POTOMCI • Mehmed Đedović - ŠTA ČEMO SAD •
Esad Duraković - ZAGRLJAJ PROSTORA LIRSKE MINIJATURE • Bajram
Redžepagić - TRILOGIJA HOD SUDBINE • Leontin Čapo Milenić - POSLJED-
NJI PRINC LIRE • Jagoda Iličić - KUĆICA NA MJESECU • Rezak Hukanović
- PJESME LJEPOTE I BOLA • Melida Travančić - VEO NAD RIJEKOM C • Mu-
hamed Ibrahimović - ŠEHID • Niaz Omerović - JED I MED

Marina Alerić Bebić - LOMAČA • Tatjana Andrejević - ZVRČI ZVRČAK, CVRČI
CVRČAK • Mirza Bašić - SPAVAJ OBUVEN, SINE • Midhat Hrnčić - VJEŠTICA
DOBRICA I DRUGE BAJKE • Edin Urjan Kukavica - SAKUPLJAČ SLOVA •
Zdravko Marijanović - PRIČE IZ STARE ČARŠIJE • Nikola Popović - SAN KO-
SMOSA SAKRUHA • Sead Seković - GOSPOĐA MALO SUTRA NIJE SE PO-
JAVILA NA ZAKAZANOJ VEČERI • Misera Suljić Sijarić - KAD TE NOĆ ODNESE
• Jasna Šamić - VRAGOLIJE MALE TINE ZA VELIKE I MALE • Senada Užičanin
- BIJEG NEVIDLJIVE BOJE • Goran Vrhunc - PRAZNO U PUCANJ

Tatjana ANDREJEVIĆ

**ZVRČI ZVRČAK
CVRČI CVRČAK**

**IZDAJE, ŠTAMPA I DISTRIBUIRA
PLANJAX GROUP**

Izdavačko-štamarska kuća

PLANJAX KOMERC doo

Bobare 55, 74264 Jelah - Tešanj

Tel. 032 661 571 Fax 032 661 572 Mob./Vib. 062 788 877

E-mail: planjaxdoo@gmail.com

www.planjaxgroup.com

PC PLANJAX GROUP SARAJEVO

71320 Vogošća, Igmanska do br. 75, I-12, Tel. 033 539 575

E-mail: planjaxgroup@gmail.com Mob./Vib. 061 477 597

ZA IZDAVAČA

Medina PLANJAC, direktorica

ŠTAMPA

Štamarija PLANJAX PRINT Bobare 55

Tel. 032 667 350 Mob./Vib. 061 384 675

ZA ŠTAMPARIJU

Mirza PLANJAC, dipl. oec

DISTRIBUCIJA & PLASMAN

Knjižara ČITAJ VIŠE.BA, Bobare 56

Elektronska knjižara eknjigaplanjax.com

Klub čitalaca PLANJAX Bobare

Tel. /Fax 032 667 351 Mob./vib. 062 788 878

ZA DISTRIBUCIJU & PLASMAN

Alen PLANJAC, dipl. ing. graf

==== **Članice Grupacije PLANJAX** =====

Izdavačko-štamarska kuća PLANJAX KOMERC d. o. o. Tešanj,

Preduzeće za proizvodnju i promet PLANJAX PRODUKT d. o. o. Tešanj,

Centar za obrazovanje odraslih EDUKA BH, p. š. u. Tešanj-Sarajevo

Poduzeće za trgovinu i usluge PACK2GO d. o. o. za trgovinu i usluge Zagreb

Fondacija ZNANJE I OBRAZOVANJE, n. v. o. Tešanj